

之法

次向西上方三十二拜願如上法今歸命上方三十二天元極天尊已得道大聖眾至真諸君丈人三十二天帝君玉京玄都紫微上官諸真人玉女神仙諸靈官願畢叩頭自搏各二百八十過

次向東南下方十二拜願如上法今歸命

下方无極靈寶天尊已得道大聖眾至真諸君丈人九土高皇四司五帝十二仙官五藏四瀆九宮真人神仙玉女无極世界九地諸靈官願畢叩頭自搏各一百二十過

十方願念禮謝都畢當旋行三市繞香燈口誦步虛洞章竟還東向復爐祝

飛天神人曰凡行道日數多少自適人所為雖有四時日數依五行用度至於三日三夜苦請丹心亦感徹於諸天學士自可量節而行事也

右出洞玄明真科經

无上秘要卷之五十三

无上秘要卷之五十四

黃錄齋品

比六

立壇

下元黃錄簡文靈仙品曰救度罪根威儀當於中庭開壇四面四隅上下方合十門中央

縱廣令長二丈四尺四面標幕榜題門位上下整飭

十門畢當於十門外開天門地戶日月門

四隅合作四門縱廣令長三丈二尺名四界都門安八卦標榜上下整飭法師一人於中央行道

題榜  
當安十門榜作榜廣三寸二分長二寸四分各隨方色

東方榜題青華元陽之門以朱書青榜

南方榜題洞陽太光之門以黃書赤榜

西方榜題通陰金闕之門以黑書白榜

北方榜題通陰生廣靈之門以青書黑榜  
東北榜題通靈禁上之門  
東南榜題始生元陽之門

西南榜題元黃高晨之門

西北榜題九仙梵行之門四隅悉以白書黃色榜

上方門榜題大羅飛梵之門以青書白榜上安西北隅

下方門榜題九靈皇真之門以黃書青榜上安東南隅

十門榜令標長九尺整頓合天式

十門榜畢當安都門八卦榜榜廣長令如前十方榜法

東方榜題震宮洞青之炁以青書黃榜

南方榜題離宮洞陽之炁以朱書白榜

西方榜題兌宮少陰之炁以白書青榜

北方榜題坎宮洞陰之炁以黑書朱榜

東南榜題巽宮梵行之炁  
西南榜題坤宮梵陽之炁  
西北榜題乾宮梵通之炁  
東北榜題艮宮梵元之炁  
四隅悉以黃書黑榜上標長九尺令如上式  
然燈安門榜畢當十方安九燈合九十燈

在都門之外

其太歲行年大小兩基本命所伏門然燈隨

主人所安多少妻令光明徹照竟夕勿使中

滅

香火

當門安一香火十門合十香火侍香監視令

香煙不絕以招神炁

鎮龍

以上金作十金龍以鎮十方拔度罪魂十方

方安一枚

命續

主人當齋本命紋續隨年國王公主悉用紫

紋以法天象庶民則用隨命所屬正方之色

以置中央拔度年命

方絲

齋十方紋續之信

東方青紋九十尺亦可九尺

南方綠紋三十尺亦可三尺

西方白紋七十尺亦可七尺

北方黑紋五十尺亦可五尺

四隅悉用黃紋每一隅一百二十尺亦可一十二尺

上方青紋三十二尺

下方黃紋三十二尺

隨其方色以安十方拔度長夜之魂

天子則用死數公王則用丈數庶人則用尺

數尊卑有降悉如明科

署職

施安都畢請法師一人中央行道同法四人

隨位尊卑署一人監齋一人直事一人侍香

一人侍燈於都門隨師遊行為主人叩頭祈

請拔罪更相關度

師從地戶入中央左回繞香火至西面向東

三上香

次至東南三上香

次至西南三上香

次至西北三上香

次至東社三上香

次還下方三上香

十方畢還西面立向東

次至南方三上香

次至西方三上香

次至北方三上香

次還上方三上香

弟子亦從地戶入都門左回隨師三上香十方畢還都門內面向東立

祝香

師於中央叩齒二十四通祝曰

香官使者左右龍虎君捧香驛龍騎吏侍香

金童傳言玉女五帝直符各三十六人出所

在土地里城真官速出嚴裝巨令正爾燒香

行道願得

太上十方正真之炁入臣等身中令臣所啓

速達徑御

太上无極大道至真玉皇上帝御前

請仙官

上請天仙兵馬地仙兵馬飛仙兵馬真人兵

馬神人兵馬日月兵馬星宿兵馬九宮兵馬

五帝兵馬三河四海兵馬五嶽四瀆兵馬各

九億萬騎監齋直事各三十二人侍香金童

敬華玉女五帝直符各三十二人傳言奏事

飛龍騎吏等一合來下監臨齋堂為同法其

甲家九祖父母拔度死魂得出長夜某甲今

齋信效心歸命

十方无極世界已得道大聖眾至真諸君丈人十方諸靈官今故燒香自歸師尊大聖眾至真之德得道之後昇入无形與道合真

三上香

師弟子一時左回三上十方香從東方起周下方如上法還西面東倚師祝曰

第一上香為同法某甲拔度九祖父母九幽

玉匱長夜之府死魂惡對宿身罪根功德開度建齋燒香請謝十方願為九祖父母拔出

幽苦上昇天堂今故燒香歸身歸神歸命

大道巨等首體投地歸命

太上三尊願以是功德歸流九祖父母乞得

免離十苦八難長夜之身得見光明上昇天

堂衣食自然長居无為今故燒香自歸

師尊大聖眾至真之德得道之後昇入无形

與道合真

第二上香畢師弟子一時左回三上十方香

從東方起周下方如上法還西向東祝曰

日今為同法某甲拔度九祖父母九幽玉匱

長夜之府死魂惡對宿身罪根功德開度建齋燒香請謝十方願為某甲九祖父母拔出

憂苦上昇天堂甲身早得仙度及家門宗室

九親姻族國中吏民諸同學師友恩流弟子

天下人民蝗飛蠶動蚊行蝻息已生未生一

切象生並得免離十苦八難五毒水火千灾

長夜之府死魂惡對宿身罪根功德開度建齋燒香請謝十方願為某甲九祖父母拔出憂苦上昇天堂歸身歸神歸命大道巨等首體投地歸命太上三尊願以是功德歸流

帝王國主君臣吏民受道法師父母尊親同

學門人隱居山林學真諸道士賢者願各得

其道安居无為今故燒香自歸

師尊大聖眾至真之德得道之後昇入无形

與道合真

第三上香畢師弟子一時左回三上十方香

從東方起周下方如上法還西面向東祝曰

日今為同法某甲拔度九祖父母九幽玉匱

長夜之府死魂惡對宿身罪根功德開度建

齋燒香請謝十方願為某甲九祖父母拔出

憂苦上昇天堂甲身早得仙度及家門宗室

九親姻族國中吏民諸同學師友恩流弟子

天下人民蝗飛蠶動蚊行蝻息已生未生一

切象生並得免離十苦八難五毒水火千灾

萬害賊役鬼氣刑厄之中今故燒香自歸

師尊大聖眾至真之德得道之後昇入无形與道合真三上香畢

謝十方

師弟子一時東向九拜師長跪言曰

同法某甲九祖父母生世之日所行元惡罪

結九幽長夜之府魂充考撻諸痛備嬰形體

毀悴苦毒難任長淪萬劫終天无解今依盟

真王匱女青上官拔度科品齋青紋之繒九

十尺或九尺金龍一枚歸命

東方无極太上靈寶天尊九炁天君東鄉諸

靈官拔贖某甲九祖父母惡對罪根三界同

筭女青上官削除罪錄開度窮魂身入光明

上昇天堂衣食自然早得更生福慶之門甲

得道真與神合同早解結叩頭擗額各九十

過

次師弟子一時左行向東南一十二拜長跪

言曰

同法某甲九祖父母生世之日所行元惡罪

結九幽長夜之府魂充考撻諸痛備嬰形體

毀悴苦毒難任長淪萬劫終天无解今依盟

真玉匱女青中官拔度科品齋黃紋之繪一百二十尺或一十二尺金龍一枚歸命東南无極太上靈寶天尊梵炁天君東南鄉諸靈官拔贖某家九祖父母惡對罪根三界司筭女青中官削除罪錄開度窮魂身入光明上昇天堂衣食自然早得更生福慶之門甲得道真與神合同畢解結叩頭擗頰各三十過

次師弟子一時左行向西南一十二拜長跪言曰同法某甲九祖父母生世之日所行元惡罪結九幽長夜之府魂充考撻諸痛備嬰形體毀悴苦毒難任長淪萬劫終天无解今依盟真玉匱女青右官陰官科品齋白紋之繪七十尺或七尺金龍一枚歸命西方无極太上靈寶天尊七炁天君西鄉諸

靈官拔贖某家九祖父母惡對罪根三界司筭女青右官陰官削除罪錄開度窮魂身入光明上昇天堂衣食自然早得更生福慶之門甲得道真與神合同畢叩頭擗頰各一百二十過次師弟子一時左行向西北一十二拜長跪言曰同法某甲九祖父母生世之日所行元惡罪結九幽長夜之府魂充考撻諸痛備嬰形體毀悴苦毒難任長淪萬劫終天无解今依盟真玉匱女青太陰官水官科品齋黃紋之繪一百二十尺或一十二尺金龍一枚歸命西北方无極太上靈寶天尊梵炁天君西北鄉諸靈官拔贖某家九祖父母惡對罪根三界司筭女青太陰官水官削除罪錄開度窮魂身入光明上昇天堂衣食自然早得更生福慶之門甲得道真與神合同畢叩頭擗頰各一百二十過次師弟子一時左行向北方五拜長跪言曰同法某甲九祖父母生世之日所行元惡罪

結九幽長夜之府魂充考捷諸痛備嬰形體  
毀悴苦毒難任長淪萬劫終天无解今依盟  
真玉匱女青太陽官火官科品齋黑紋之繪  
五十尺或五尺金龍一枚歸命  
北方无極太上靈寶天尊五炁天君北鄉諸

靈官拔贖其家九祖父母惡對罪根三界司  
算女青太陽官火官削除罪錄開度窮魂身  
入光明上昇天堂衣食自然早得更生福慶  
之門甲得道真與神合同畢叩頭搏頰各五  
十過

次師弟子一時左行向東北一十二拜長跪  
言曰

同法其甲九祖父母生世之日所行无惡罪  
結九幽長夜之府魂充考捷諸痛備嬰形體  
毀悴苦毒難任長淪萬劫終天无解今依盟  
真玉匱女青左官禁官科品齋黃紋之繪一  
百二十尺或一十二尺金龍一枚歸命  
東北方无極太上靈寶天尊梵炁天君東北  
鄉諸靈官拔贖其家九祖父母惡對罪根三  
界司算女青左官禁官削除罪錄開度窮魂

身入光明上昇天堂衣食自然早得更生福  
慶之門甲得道真與神合同畢叩頭搏頰各  
一百二十過  
次師弟子一時左行向東南下方十二拜長  
跪言曰

同法其甲九祖父母生世之日所行无惡罪  
結九幽長夜之府魂充考捷諸痛備嬰形體  
毀悴苦毒難任長淪萬劫終天无解今依盟  
真玉匱女青下官四司官科品齋黃紋之繪  
三十二尺金龍一枚歸命

下方无極太上靈寶天尊九土高皇四司五  
帝十二仙君九宮真人神仙五女无極世界  
下鄉諸靈官拔贖其家九祖父母惡對罪根  
三界司算女青下官四司官削除罪錄開度  
窮魂身入光明上昇天堂衣食自然早得更  
生福慶之門甲得道真與神合同畢叩頭搏  
頰各一百二十過

次師弟子一時左行向西北上方三十二拜  
長跪言曰  
同法其甲九祖父母生世之日所行无惡罪

結九幽長夜之府魂充考捷諸痛備嬰形體  
毀悴苦毒難任長淪萬劫終天无解今依盟  
真玉匱女青上宮都禁官科品齋青紋之繪  
三十二尺金龍一枚歸命  
上方无極太上靈寶天尊三十二天帝君玉  
京玄都紫微上宮諸真人五女神仙上鄉諸  
靈官拔贖其家九祖父母惡對罪根三界司  
算女青上宮都禁官削除罪錄開度窮魂身  
入光明上昇天堂衣食自然早得更生福慶  
之門甲得道真與神合同畢叩頭搏頰各三  
百二十過

謝日月星  
次師弟子一時左行向東北日宮三拜長跪  
言曰

同法其甲九祖父母連及甲身受生所行罪  
結難稱死魂殃對流曳長夜九幽之中魂受  
考捷諸痛備嬰長淪萬劫終天无解今故燒  
香歸命  
日君夫人童子日中諸神仙乞丐原赦所行  
罪負上觸天光生死殃對拔度九祖囚徒死

魂開出光明上昇天堂衣食自然甲身得道  
上與日君同光自然畢叩頭持頰各三十過  
止

次師弟子一時左行向西南月宮七拜長跪  
言曰

同法某甲九祖父母<sup>其六</sup>逮及甲身受生所行罪  
結難稱死魂殃對流曳長夜九幽之中魂受  
考捷諸痛備嬰長淪萬劫終天无解今故燒  
香歸命

月中夫人圓光玉女月宮諸神仙乞丐原赦  
所行罪負上觸天先生死殃對拔度九祖囚  
徒死魂開出光明上昇天堂衣食自然甲身  
得道上與夫人同光自然畢叩頭持頰各七  
十過

次師弟子一時左行向北九拜謝諸天星宿  
長跪言曰

同法某甲九祖父母逮及甲身受生所行罪  
結難稱死魂殃對流曳長夜九幽之中魂受  
考捷諸痛備嬰長淪萬劫終天无解今故燒  
香歸命

諸天星宿璇璣玉衡周天三百六十五度星  
中大神星中夫人星中諸神仙乞丐原赦所  
行罪負上觸天先生死殃對拔度九祖囚徒  
死魂開出光明上昇天堂衣食自然甲身得  
道上與星宿同明自然畢叩頭持頰各三百  
六十五過

謝五嶽

次師弟子一時左行向東嶽再拜長跪言曰  
同法某甲九祖父母生存所行元惡醜逆觸  
犯東嶽泰山神仙靈官罪結九幽請役東嶽  
幽執泰山地獄之中魂充考楚萬痛備嬰長  
淪萬劫終天无解今故燒香歸命

東嶽泰山神仙諸靈官乞丐原赦所行罪負  
上解東嶽元惡之罪放赦囚徒身出光明上  
昇天堂衣食自然甲身得道與青帝合真畢  
叩頭持頰各二十過

次師弟子一時左行向南嶽再拜長跪言曰  
同法某甲九祖父母生存所行元惡醜逆觸  
犯南嶽霍山神仙諸靈官罪結九幽請役南  
嶽幽執霍山地獄之中魂充考楚萬痛備嬰

嶽幽執霍山地獄之中魂充考楚萬痛備嬰

長淪萬劫終天无解今故燒香歸命  
南嶽霍山神仙諸靈官乞丐原赦所行罪負  
上觸南嶽元惡之罪放赦囚徒身出光明上  
昇天堂衣食自然甲身得道與赤帝合真畢  
叩頭持頰各二十過

次師弟子一時左行向西嶽再拜長跪言曰  
同法某甲九祖父母生存所行元惡醜逆觸  
犯西嶽華山神仙諸靈官罪結九幽請役西  
嶽幽執華山地獄之中魂充考楚萬痛備嬰  
長淪萬劫終天无解今故燒香歸命

西嶽華山神仙諸靈官乞丐原赦所行罪負  
上觸西嶽元惡之罪放赦囚徒身出光明上  
昇天堂衣食自然甲身得道與白帝合真畢  
叩頭持頰各二十過

次師弟子一時左行向北嶽再拜長跪言曰  
同法某甲九祖父母生存所行元惡醜逆觸  
犯北嶽恒山神仙諸靈官罪結九幽請役北  
嶽幽執恒山地獄之中魂充考楚萬痛備嬰  
長淪萬劫終天无解今故燒香歸命

北嶽恒山神仙諸靈官乞丐原赦所行罪負

上觸灶獄元惡之罪放赦因徒身出光明上昇天堂衣食自然甲身得道與黑帝同真畢叩頭持頰各二十過

次師弟子一時左行向西南中獄再拜長跪言曰

同法某甲九祖父母生存所行无惡醜逆觸犯中獄嵩山神仙諸靈官罪結九幽謫役中

獄幽執嵩山地獄之中魂充考楚萬痛備嬰長淪萬劫終天元解今故燒香歸命

中獄嵩山神仙諸靈官乞丐原赦所行罪負上觸中獄元惡之罪放赦因徒身出光明上

昇天堂衣食自然甲身得道與黃帝合真畢叩頭持頰各二十過

謝水官  
次師弟子一時左行向北方十二拜謝水官

長跪言曰  
同法某甲九祖父母生存所行无惡醜逆觸

犯三河四海九江水帝十二河源河伯河侯

河掾水府諸靈官罪結九幽謫役水官畢塞長源幽執寒夜魂魄苦痛塗炭備嬰長淪萬

劫終天元解今故燒香歸命

水府三河四海九江水帝十二河源河伯河侯河掾水府諸靈官乞丐原赦所行罪負觸

犯水官元惡之罪乞放因徒得離寒鄉長河之責削除簡錄身入光明上昇天堂衣食自

然甲身得道與水官合真畢叩頭持頰各一百二十過

謝三寶  
次師弟子一時起向北又三拜謝三寶神經符圖長跪言曰

同法某甲九祖父母前生今世生死所行重罪惡過諸所為罪積世結因纏綿不解今故

燒香歸命  
太上无極至真三十六部專經寶符特經金童玉女乞丐原赦生死所犯願以此功德拔

度九祖罪魂得去三徒五苦之中刀山劍樹

長河寒庭身出幽夜得入光明上昇天堂衣食自然甲身得道與真合同畢叩頭持頰各

三百六十過

畢師弟子一時左行繞香一周還西面向東

存思祝曰

香官使者左右龍虎君捧香驛龍騎吏當令

臣等齋所生自然金液丹精芝英百靈交會在此香火之前令臣等得道遂獲神仙舉家

萬福天下受恩十方金童玉女侍衛香煙傳比六

臣所啓徑御  
无極太上大道御前

下元黃籙簡文靈仙品曰拔度罪根威儀申謝都畢當依玉訣投金龍一枚丹書玉札青

絲纏之以關靈仙五帝昇度之信封於絕巖之中一依舊法

下元黃籙簡文靈仙品曰關五帝威儀畢當丹書玉札一枚金龍一枚青絲纏石沈之三

江以關水帝昇度之信一依玉訣舊文

右出洞玄黃籙簡文

无上秘要卷之五十四